

Aleksandra Pandurević

1. Pitanje postavljeno Upravnom odboru Agencije za razvoj visokog obrazovanja i osiguravanje kvaliteta BiH: „Na veb-stranici Asocijacije agencija za osiguravanje kvaliteta islamskog svijeta (<http://www.mqa.gov.my/aqaaiw>) na listi punopravnih članova pod rednim brojem 4. nalazi se Agencija za razvoj visokog obrazovanja i osiguravanje kvaliteta BiH. Također, na stranici se nalaze informacije da su do sada održana i tri okrugla stola ove asocijacije na kojima su usvajani i određeni akti, te državama na ratifikaciju upućene deklaracije, a u čijem radu su učestvovali i predstavnici BiH. Molim da mi se dostavi detaljna informacija koji organ/institucija BiH je donio odluku da Agencija za razvoj visokog obrazovanja i osiguravanje kvaliteta BiH bude punopravan član ove asocijacije. Ko je u radu okruglih stolova predstavljao BiH i po čijem ovlaštenju? Koje obaveze je ovim članstvom preuzela BiH i da li su one u koliziji s obavezama iz Bolonjske i ostalih deklaracija, konvencija, smjernica i standarda na čije provođenje se BiH obavezala?“
2. Zatraženo da se Vijeću ministara BiH uputi urgencija povodom njene poslaničke inicijative sa 12. sjednice Predstavničkog doma, održane 27.10.2012. Riječ je o inicijativi za uvrštavanje u dnevni red tačke: „**Izvještaj Vijeća ministara BiH o provođenju mjera i aktivnosti za rješavanje problema građana BiH koji su bili zaposleni i nastanjeni u Republici Hrvatskoj, a u periodu od 1991. do 1995. godine otpušteni s posla.**“ Inicijativa je usvojena na 20. sjednici Doma, održanoj 2.2.2012., a Zajednička komisija za ljudska prava, prava djeteta, mlade, imigraciju, izbjeglice, azil i etiku je od Vijeća ministara BiH zatražila izvještaj o realizaciji zaključaka sa 62. sjednice Doma, održane 14. 10. 2009. (u pitanju je ista problematika).